



**PROCESVERBAL**

Mbledhja e rregullt e **Komitetit për Politikë dhe Financa (KPF)**, e mbajtur **20 gusht 2025, (e mërkure)**, me fillim në orën **10:00**. Mbledhjen e kryesoi Kryesuesi i Kuvendit, **z. Arbër Zenuni**.

**Kryesuesi:** Fillimisht, përshëndetje për të gjithë! I nderuar nënkryetar i komunës, **z. Fatmir Iska**, të nderuar anëtarë të Komitetit për Politikë dhe Financa, drejtorë të drejtorive, zyrtarë komunalë, përfaqësues të OSBE-së, të gjithë ju të pranishëm. E hapim mbledhjen e **tetë (8)** të Komitetit për Politikë dhe Financa për vitin 2025. Në konsultim me kryetarin e komunës kemi përgatitur këtë rend dite;

**REND DITE**

1. Shqyrtimi dhe miratimi i procesverbalit nga mbledhja e kaluar;
2. Shqyrtimi i Planit të Veprimit për Zbatimin e Rekomandimeve për vitin 2024;
3. Shqyrtimi i Informatës për Gjendjen e Mbeturinave në komunën e Rahovecit;
4. Shqyrtimi i Raportit për Zbatimin e Planit të Integritetit, janar-qershor 2025;
5. Të ndryshme.

**Shtesë:**

1. Shqyrtimi dhe miratimi i vendimit për dhurimin e laptopëve anëtarëve të Kuvendit të Komunës;
2. Shqyrtimi dhe miratimi i vendimit për miratimin e deklaratës për eliminimin e të gjitha formave të dhunës ndaj grave në politikë dhe në jetën publike.

**Kryesuesi:** Të nderuar anëtarë të KPF-së, para jush keni edhe dy pika shtesë: **1.** Shqyrtimi dhe miratimi i vendimit për dhurimin e laptopëve anëtarëve të Kuvendit të Komunës. **2.** Shqyrtimi dhe miratimi i vendimit për miratimin e deklaratës për eliminimin e të gjitha formave të dhunës ndaj grave në politikë dhe në jetën publike. A keni ndonjë gjë rreth këtyre pikave? Nëse jo, i vendosim në votim. Kush është “për”?... Unanimisht aprovohen pikat shtesë. Tani rendin e ditës e vendosim në votim. Kush është “për”?... Konstatoj që unanimisht aprovohet rendi i ditës.

**1. Shqyrtimi dhe miratimi i procesverbalit nga mbledhja e kaluar:**

**Kryesuesi:** A kemi diçka në lidhje me procesverbalin nga mbledhja e kaluar? Nëse jo, e vendosim në votim. Kush është “për”?... Unanimisht aprovohet pika e parë.

**2. Shqyrtimi i Planit të Veprimit për Zbatimin e Rekomandimeve për vitin 2024:**

**Afrim Limani:** I nderuar kryesues, nënkryetar, anëtarë të KPF-së. Ashtu siç e dini edhe ju, raporti financiar për vitin 2024 ka rezultuar si opinion i pamodifikuar dhe nga ky plan kanë daluar 6 të gjetura. Konsideroj që nga këto 6 rekomandime, 4 prej tyre do të jenë të zbatueshme, ndërsa 2 pjesërisht dhe tutje besoj që do të zbatohen. Sipas ligjit kemi vepruar me kohë, sepse brenda një muaje plani i veprimit për zbatimin e rekomandimeve duhet të dorëzohet.

**Kryesuesi:** Faleminderit drejtor! A kemi diçka në lidhje me pikën e dytë? Nëse jo, e vendosim në votim. Kush është “për”?... Kundër?... Atëherë, me shumicë votash votohet pika e dytë e rendit të ditës.

### **3. Shqyrtimi i Informatës për Gjendjen e Mbeturinave në komunën e Rahovecit:**

**Përparim Krasniqi:** Faleminderit kryesues! Përshëndetje për të gjithë anëtarët e KPF-së. Gati në çdo seancë kemi pasur raporte apo informata për hapësira publike, rreth menaxhimit të mbeturinave. Para jush e kemi gjendjen momentale si informatë rreth menaxhimit të mbeturinave. Ne kemi kërkuar edhe nga dy kompanitë: Ekoregjioni dhe Ekodrinia që së paku në muajt e fundit të raportojnë në 11 pika, që i kemi përcaktuar si prioritete nga komuna e Rahovecit. Për të gjitha pyetjet tuaja, jam këtu për përgjigje.

**Kryesuesi:** Faleminderit drejtor! A kemi diçka në lidhje me pikën e tretë? Nëse jo, vazhdojmë me pikën tjetër.

### **4. Shqyrtimi i Raportit për Zbatimin e Planit të Integritetit, janar-qershor 2025:**

**Valmir Gashi:** Mirëmengjesi të gjithëve! Përshëndetje kryesues, drejtorë, anëtarë të KPF-së. Në bazë të planit për integritet është paraparë edhe raportimi. Ky raportim duhet t'i bëhet titullarit të këtij institucioni dhe Agjencisë për Parandalimin e Korrupsionit. Njëkohësisht është kërkuar që të raportohet edhe në kuvend. Ky plan, i parasheh 2 fusha të veprimit: Fushën e përgjithshme dhe fushën e veçantë. Janë të parapara 97 masa dhe nga këto masa janë realizuar 96. Nga këto masa, 22 janë zbatuar në kohën e duhur, 1 masë është zbatuar pas afatit, 73 po zbatohen në mënyrë periodike dhe 1 masë nuk është zbatuar, e cila ka të bëjë me Hartën Zonale.

**Kryesuesi:** Faleminderit Valmir! A kemi diçka në lidhje me pikën e katërt? Nëse jo, vazhdojmë me pikën tjetër.

### **5. Shqyrtimi dhe miratimi i vendimit për dhurimin e laptopëve anëtarëve të Kuvendit të Komunës:**

**Kryesuesi:** Të nderuar anëtarë, sipas pikës 1 të këtij vendimi nuk do të kthehen dhe nuk do të regjistrohen në regjistrin e komunës. Loptopët do të jenë dhuratë nga komuna. E vendosim në votim. Kush është "për"?... Me shumicë votash aprovohet pika e pestë.

### **6. Shqyrtimi dhe miratimi i vendimit për miratimin e deklaratës për eliminimin e të gjitha formave të dhunës ndaj grave në politikë dhe në jetën publike:**

**Kryesuesi:** Para jush e kemi miratimin e deklaratës për eliminimin e të gjitha formave të dhunës ndaj grave në politikë dhe në jetën publike, që është miratuar në Kuvendin e Republikës së Kosovës, më datë 19 nëntor 2024. Po e lexoj një komunikatë mbështetëse mbi deklaratë për eliminimin e të gjitha formave të dhunës ndaj grave: "Ne, politikanët dhe politikanet, nëpunësit civilë dhe përfaqësuesit e shoqërisë civile të mbledhur në frymën e solidaritetit dhe qëllimit të përbashkët, përmes kësaj deklarate shprehim mbështetjen tonë të plotë mbi deklaratën për eliminimin e të gjitha formave të dhunës ndaj grave, në politikë dhe në jetën publike. U bëjmë thirrje të gjitha niveleve të qeverisjeve, për zbatimin kuptimplotë të dispozitave të kësaj deklarate. Me nënshkrimin e kësaj komunikate mbështetëse, ne rrisim zërin e deklaratës së 19 nëntorit të vitit 2024." A kemi ndonjë diskutim apo koment?... Nëse jo, e vendosim në votim. Kush është "për"?... Konstatoj që unanimisht votohet pika e gjashtë e rendit të ditës.

### **7. Të ndryshme:**

**Kryesuesi:** Kemi arritur te pika e fundit e rendit të ditës. A ka dikush ndonjë gjë rreth kësaj pike? Nëse jo, atëherë këtu e kemi përfunduar mbledhjen e tetë të KPF-së. Ju falënderoj për vëmendje, shihemi më 29 gusht, në mbledhjen e rregullt të kuvendit.

Procesmbajtësi

---

Albion Krasniqi

K R Y E S U E S I

---

Arbër Zenuni